

定曆玉衡

定曆玉衡卷五

秀水 張雍敬著

西洋辨小序

曆之為道有所當然。有所以然。所當然者。數是也。此曆家之能事。所以然者。理是也。此道之大原。三皇五帝堯舜周孔之所妙契。無間傳以心而不傳以言者。也是唯好學精思之士。相求乎性命之原。庶有以見其流行之妙。鼓化之機。而後天地之情狀。陰陽之變通。可以不傳。之。要非術士之所得而與言者也。故

古今曆家其推步之法未始不可徵效于當時傳述
于後世而一出議論即或矯誣求一語之幾于是而
不可得習于數而昧于原也今西洋曆術用以推步
雖未悉協而較諸舊法補為近密其七政有緯度交
道有盈縮及天體九重高下之序尤得曆家所未曾
有是以

朝廷有取焉獨其持論意欲推明所以然而溺于數之
中出于理之外泥跡而意為推離真而歸之幻甚至
謂四方無定上下無分晝夜易處寒暑異態舉天地

之定位。陰陽之定候。而惑亂之。則其害豈但中於曆
術而已哉。然以其僞倖而新奇也。既足以供好事者
之譚資。操觚者之勦說。而又當斯道幾絕之候。尤足
以欺人所不見。傲人所不知。其不胥一世而惑其說
也幾希。此天道人心明晦絕續之所關。凡有志於斯
者。所不能已于辭也。故敢不揣謏陋。畧舉其說以辨
之。亦冀墨起廢。為西法之功臣。非植額求疵。樹中州
之赤幟也。或者問曰。西士之至于中國也。梯航之遠。
以數萬里計。其所見之廣。予孰與彼。童而習之。壯而

行之。羣萃而講求者。唯此。設科而取士者。唯此。其知之。熟。子孰與彼。而顧欲糾其失。未。曰。裕經綸之猷。畧者。豈必取試于廟廊。知稼穡之艱難者。豈必從事于畝畝。是故君子不出戶庭而通天下之故。通以理耳。雍敬雖非其人哉。然終不以彼之所見。奪吾之所不見。彼之所知。易吾之所不知也。

西法天象辨

利西江云。余嘗留心量天地法。茲述名數以便覽。
地球每度二百五十里。則知三百六十度。為地一
週九萬里。計地面至中心。隔一萬四千三百一十
八里零十八丈。地心至第九重月輪天。四十八萬
二千五百二十餘里。至第八重天。九十一萬八千
七百五十餘里。至第七重天。二百四十萬零六百
八十一餘里。至第六重日輪天。一千六百零五萬
五千六百九十餘里。至第五重天。二千七百四十

一萬二千一百餘里。至第四重天。一萬二千六百七十六萬九千五百八十四餘里。至第三重天。二萬五百七十七萬零五百六十四餘里。至第二重天。三萬二千二百七十六萬九千八百四十五餘里。至第一重天。謂宗動天。六萬四千七百三十三萬八千六百九十餘里。此九層相包。如蔥頭皮。皆硬堅。而日月星辰。定在其體內。如木節在板。因天而動。第天體明無色。則能通透。光如琉璃之類。若二十八宿星之上等。每各大於地球一百零六倍。

又六分之一。其二等各星大於地球八十九倍又八分之一。其三等各星大七十一倍又三分之一。其四等星大五十三倍又十二分之一。其五等星大三十五倍又八分之一。其六等星大十一倍又十分之一。此六等皆在第二重天也。土星大於地球九十四倍又八分之一。木星大於地球九十四倍又一半分。火星大於地球半倍。日輪大於地球一百六十五倍又八分之三。地球大於金星三十六倍又二十七分之一。大於水星二萬一千九百五

十一倍。大於月輪三十八倍。又三分之一。則日太
於月六千五百三十八倍。又五分之一。
問月借日光。有消長。乃諸星之光。恒見圓滿而
無消長。何也。曰。諸星與月。其借日光不同也。月天
在日天之下。月受其光。近遠一異。消長不同。諸星
之天居日天之上。日光照星。恒照其下面。雖或近
或遠于日。而其下面恒有光。故居地上者。視星恒
有光也。近世西洋一名士。稱造一巧器。持此器
觀六十里遠。一尺大之物。明視之。無異在目前也。

持此觀月。則十倍大於常。視金星大似月。其光亦或消或長。無異於月。

利氏所言。似乎從數而得。然數起于象。必見真象。而後有真數。如天體九重。外寬內窄。日月星宿。近大遠小。雖理所固然。而要必遠近先有定憑。然後大小可以數測。彼謂地球正圓。無分上下。則天地定象。且顛倒莫辨矣。更何以言數。若舍象而僅言數。則數亦何定之有。假令引而近之。謂地心至月天二十四萬餘里。則九天皆可使之倍遠。而日可使之倍大。或推而

遠之謂地心至月天。九十六萬餘里。則九天皆可使
之倍近。而日又可使之倍小。此以天合我之數。而非
以數合天者也。原其意。祇因月之借光。疑地在中間。
有所障礙。故推日月而遠之。隘地球而小之。使月小
于地。地小于日。而又計其道里遠近。使大者遠而見
小。小者近而見大。於是日月雖大小懸絕。而視之則
齊一矣。地雖在中間。而日大于地一百六十餘倍。則
不能障礙矣。以此通借光之理。亦誠費盡心思而抑
知其不必然也。夫陰陽之理。一氣妙合。相感以神。豈

闕形隔。是故銅山西崩。洛鐘東應。慈母齧指。孝子痛心。一氣故也。嘗見一地師。出礪石及鐵為戲。置鐵於案。以礪石于案下運之。則其鐵旋轉不已。夫磁之與鐵。微物耳。而理有感通。則他物不能隔。況日月乃陰陽一氣乎。彼地烏能隔之。而煩多方測算為也。一則天以內皆積氣。即是天。日月星宿託體於中。各乘其陰陽五行之氣。自為旋運。無界限而自有界限。無根繫而自有根繫者也。且三光之精。無非積氣。故其質亦本輕清。而天之運也。又甚急而剛。是故載之以

旋而不虞其墜。古今之言日月星宿者。雖未嘗明言其何以繫屬於天。而凡于積氣之說。多在所不信。豈非虞其或墜乎。則古今之人。皆杞人類也。利氏因古今之皆杞人也。於是謂天體硬堅。而日月星宿定在天内。如木節在板。因天而動。是則可無虞其墜矣。今試驗之。惟太陽隨氣順旋。有一定之度。若月與五星。則各有疾遲者也。使定在天内。則九層相包。動則俱動。順則俱順。即因氣之緩急。而有疾遲之分。亦當疾者常疾。遲者常遲。必不能因太陽之感召。而或遲或

疾。各異其行矣。若謂遲疾之故。即屬天體為之。則九層相次。無容此一層疾。彼一層遲。此一層順。彼一層逆。參差相間。牴牾不合也。二則

陰陽五行。雖本一氣。而要必陰陽為幹。五行為枝。則其成象。亦必日月為大。五星為小。今乃為土木火等星。其大于月也。或千百倍。是猶人之指大于臂。脛大于股也。非奇疾。則怪民矣。遠就偏說。而遺其本原。幾不知陰陽五行為何物。此古今術家之通病也。三則

今有一燈。遠在里許外。莫不見之者。置豆大一物於

里許外。則雖離婁不能察。蓋燈以光用。與他物之僅有形質者不同也。日月之體。政以光用。故南交視夏至之日。朔方視冬至之日。其遠近固甚殊矣。而大小不異者。則以光相及。自不同於凡有質者。稍有遠近。即改觀也。若夫出沒之於午中。所以見為大小者。以地面距天頂。倍遠于地中之距東西極也。然雖以遠近之故。形為大小。而大小終不甚懸絕。則日月之體。原不甚大。蓋可知已。今據西說。日輪大於地球一百六十五倍餘。則其大當為四百六十萬餘里。去地一

千六百五萬餘里。以遠極而小。故所見僅如盤盂。是
遠十萬里而見小一倍也。地徑二萬八千六百餘里。
以遠十萬里而小一倍。是遠三里半而見小一里也。
則近三里半。亦當見大一里。如信然也。則泰山之高
四十里。登其絕頂。仰望午日。當大徑十餘里乎。二至
黃道之度。以每度二百五十里計之。進退差一萬二
千里。則冬至之日當如何小。夏至之日當如何大哉。
四則

日月之體。大小不同。而以遠近之故。視徑若一。則遠

近大小。宜為相似之例。日大于地球一百六十五倍。凡遠十萬里而見一小倍。則月遠四十八萬里。當大於地球四倍又十分之八。何以反小於地球三十八倍餘乎。若以月之遠近大小為例。則日遠一千六百五萬餘里。比月遠三十三倍半。亦僅當大於月三十三倍半。則日徑僅得地球十分之九。何能大於地球一百六十五倍餘乎。五則

又據地面距日一千六百五萬餘里。則日輪天徑。當加地下一倍。為三千二百十萬餘里。畧以往一圍三

計之。約每度止得二十七萬里。日徑不過準一度。鳥
得大於地球一百六十五倍哉。月輪天徑亦加地下
一倍。當為九十六萬五千餘里。亦畧以徑一圓三計
之。約每度當為八千里。月徑亦準一度。何以小於地
球三十八倍哉。六則

天本積氣。急則剛矣。謂之硬堅則否。使果硬堅如琉
璃之類。則奔星何以能流。隕星何以能墜乎。七則

星亦借光。先儒雖有是說。然未有實証也。今西士從
而申之。夫諸天在日天之上。故其光恒圓滿似矣。而


金水在下。何以解焉。則曰金星亦有消長。無異於月。若然。則過午之時。猶月之晦朔也。其光當全在上面。而或遇經天。則下面亦見有光。又何以解焉。竊謂此當以靈憲開虛在星。微之言驗之。取與日相對同度同道之星。測其遇開虛而果一如月之蝕也。則借光之說信矣。不然。則未足據也。八則

眇胸辨

日行每日必一周。一日必百刻。則無盈縮可知。使行有盈縮。則度有增減。必不能每日定于百刻。若必定于百刻。則度有進退。必不能每日適為一周。此亦理之甚顯。數之甚易知者。而千古不悟。則黃道之法蔽之也。今西士亦能見日行之必無盈縮也。故謂為人目之視行。而名之眇胸。大意謂日月常為平行。而自人視之。則有眇胸。眇者。日月在卑。近人。而視行大於實行。胸者。日月在高。遠人。而視行小於實行。蓋眇胸

則占度潤。有似乎盈而非盈。胸則占度狹。有似乎縮
而非縮也。是說也。揆之理數。俱有難通。又不可以無
辨。夫有遠近而後形為大小。有大小而後見有臃胸。
此三者必相因而生者也。據其術。天地之體皆圓。當
中線處。則日行南北道。雖有高卑。曾無遠近。將大小
臃胸何從而生乎。此不可通者一。其高遠卑近。唯赤
道以南。乃見為然耳。若中國在中線之北。則高反近
而卑反遠矣。此不可通者二。即曰此不計里實。而但
論高卑。高即為遠。卑即為近。亦但可為出沒之於午

中言耳。若俱就午中觀之。則冬至午中之日。與夏至
午中之日。雖極高卑。又何嘗形為大小。而有臍胸之
見乎。此不可通者三。且日月既以高卑而形為大小。
則度分亦必以高卑而形為濶狹。高則見狹。卑則見濶。以大鑿
濶。以小鑿狹。仍適相符。又安得有臍胸乎。此不可通
者四。今且不必以吾說窮之也。第即據其所謂臍胸
者而辨之。彼立定氣之術。自冬至。至春分。凡八十九
日弱。而行九十度。則先三日。非有漸積之盈分。而然
乎。自夏至。至秋分。九十三日半強。而亦行九十度。則



後三日。非有漸積之縮分。而然乎。若
 眺胸則無漸積之分者也。何以明之。
 今試設徑尺之板。橫畫三線。以擬黃
 赤道。縱畫十寸。以寸擬度。取大中小
 三錢。大錢徑一寸五釐。擬視行之眺。
 小錢徑九分五釐。擬視行之胸。中錢
 恰徑一寸。擬視行之平度。以三錢分
 置于第一寸。徑右而起。其孔正對縱
 橫二線十字交處。擬日月之自行。則

中錢恰當一寸。而大錢則左餘五釐。所謂朒也。小錢則左虧五釐。所謂朒也。再左移一寸。則中錢仍為恰好。而大錢仍左餘五釐。小錢仍左虧五釐。如是漸進。以至移盡十寸。其中錢仍為恰好。而大錢之左。仍止餘五釐。小錢之左。仍止虧五釐。何嘗有新積之分乎。故若從朒朒之說。則春分止應徽先五刻。而不得先三日。秋分止應稍後五刻。而不得後三日。若從定氣之術。則冬至、春分。有積盈之數。而不得謂之朒。夏至、秋分。有積縮之數。而不得謂之朒矣。夫西士之

所以聳動聽聞。而機中曆之差者。全在定氣一端。其
無所勑製而特秘者。止此牝胸一說。而孰知此二說
者。已自為矛盾。不可相通乎。

月食辨

月明為借光。本於周髀。

周髀曰日月光從月。

月食為蔽

于地。原于靈憲。

靈憲曰當日之衛光常不

離皆古人

餘論。然其是非得失。亦政有辨矣。今西術兼取二說。

而求通之。請先與之論黃赤道。夫天大而在地小。

而在內。日月之道。即地觀之。將如輻之轉。較乎。抑不

然乎。彼謂天有黃赤道。地亦同之。故上下有三圈相

對。則輻轉之說也。既如輻轉。則日月南北道。相去極

遠。不過五十三度有奇。而地徑一百十八度。以一

百十八度之地。障五十三度之道。將遇望。無不蔽。而亦當無不食矣。如以日輪甚大。地不能蔽。則地小于日。即不足以蔽日。而地大于月。終能蔽月。夫既能蔽月。即所以蔽日矣。而猶曰不能蔽乎。即曰不必如輶。輶然度之。潤狹相當。則在所必論也。月道出入黃道。凡五度半。而地球常輪天。凡得三度半。是地球常蔽其十一分之七也。則凡十有一月之間。當相食七次乎。必欲求通其說。吾猶恨月尚未甚大。而地而未甚小也。且日月之為。借為蔽。常以日月之自相望為準。

而不當以人目之所望為準。今試設身處於月之中
 以望日。則日雖大。而相去甚遠。勢必杳乎其不可見
 矣。日大于地一百六十五倍餘。而從地望日以遠極
 而其小僅如盤孟若從月望日則更遠四十八萬
 里將僅如盤孟之目從日望月則月既小而相去愈
 黃已滅而不見矣
 遠更必渺乎其無所見矣。日小于地三十八倍以遠
 如盤孟若從日望月則更遠一千六百五
 萬餘里其體如盤孟之月猶有可見否乎日月既兩
 相望而兩不相見。則光將何從而借乎。如曰日月之
 體小而至于盤孟則已為定體。雖更極遠不復見小。
 此于理數俱不可通。然地在中間。則又在所必論也。
 亦姑為之轉辯耳。

日月視徑皆約四寸。月小于地三十八倍。從地望之約徑四寸。則天^比大于月三十八倍。從月望地。當大徑一丈五尺餘。以一丈五尺餘之地。在于中間。而蔽四寸之日。又安往而不蔽也邪。此通于月食。必不可通于借光者也。日大于地一百六十五倍。從地望之。亦約徑四寸。則地小于日一百六十五倍。從日望地。將不啻如纖塵矣。夫纖塵之地。又何足以蔽四寸之月乎。此通于借光。又不可通于月食者也。故借光蔽地二者亦不可相通。正不必傳會古人而曲為之辭也。

西士自為設難曰。日月正對。相遠必有八十度。半周天也。故月在地平上。日必居其下。日在地平上。月必居其下。然有月食而皆在地平上者。則月食非由地景矣。何也。此見甚明。何不因其明而轉思其理。以悟地蔽之非。而必又為之曲也。曰。此海水或濕氣所影映也。蓋地平傍近恒有溼氣。清微如煙。或空中對月輪。有輕薄白雲。或值當海水。皆能令月影映於其內。而目力所成。宛一月焉。如水中錢景。此視法之理也。云、苟如所解。則是月本食在地下。而人若見其食在地上也。

夫食之當在地上。或當在地下。加時當在晨昏限之或前或後。夫豈無法可按。無數可測者乎。乃竟舍法數而歸于虛幻。亦太欺人矣。

且月食之必非地景。更為易辨。凡人之視物。遠則見小。而物之有景。遠則轉大。試以日食驗之。南方見陰曆微虧。北方見陽曆微虧。則里差相距三十度許。是月體僅七百餘里。而其景至地以遠四十八萬里。則大徑七八千里。是景之遠則轉大為足徵矣。由此推之。則地體徑二萬八千里。其景至月亦遠四十八萬里。將大徑三十餘萬里。何以閏虛僅為五六寸乎。

西法地球辨

古之言天者三家。而蓋天為最古。故傳播及遠。西域之法。皆其遺也。如釋氏謂日繞須彌山。照四大天下。

長河金經曰須彌山北有天下名鬱單越東有天
下名弗于逮西有天下名俱耶尼南有天下名閼
浮提法花珠林云佛告諸比丘若浮閼洲日正
中時弗娑提洲日則始沒瞿耶尼洲日則初出鬱
單越洲日正當夜半若瞿耶尼洲日正中時此閼浮
洲日則始沒鬱單越洲日則初出弗娑提洲日正當
夜半若鬱單越洲日正中時瞿耶尼洲日則始沒
弗娑提洲日則初出此閼浮洲日正當夜半若弗娑
提洲日正中時鬱單越洲日則始沒此閼浮洲日
則初出瞿耶尼洲日正當夜半

即四盡四和。日行平轉之說。

周解家言天似蓋地法覆盤天地各中高外下
北盡之下為天地之中其地最高而滂沱四瀆三
光陰映以為晝夜天地隆高相從日去地恒八萬
里日麗天而半轉故日運行度在極北、方日中
南方夜半在極東、方日中西方夜半在極南、
方日中北方夜半在極西、方日中東方夜半凡
此四方天地四盡四和晝夜易度

驗諸象則不合。揆諸理則無稽。儒家曆家。皆所弗道
也。此西說以蓋天移於渾天。故取驗愈速。遠理愈甚。
乃斯道是非邪正之所關。非獨曆術精粗睽合之所
繫也。故不得不起而辨之。夫論難者。相長之資。或亦
西士之所樂聞乎。若疑雍敬之故為排斥也。則彼說

之有當者。

如九重高下之說

又何為而亟取之也。

其說曰。地與海。本是圓形。而全為一球。居天球之中。彼此相應。故天有南北二壺。地亦有之。天分三百六十度。地亦同之。天中有赤道。自赤道而北。二十一度半。為北道。據中國在北道之北。日行赤道。則晝夜平。行南道則晝短。行北道則晝長。故天球有晝夜平圈。列於中。晝短晝長二圈。列于南北。以著日行之界。地球亦有三圈。對于下。但天包地外。為甚大。其度廣。地處天中。為甚小。其度狹。地每度

廣二百五十里。則地之東西南北各一周。有九萬里。厚二萬八千六百三十六里零三十六丈。上下四旁皆生齒所居。渾淪一球。原無上下。蓋在天之內。何瞻非天。總六合內。凡足所躋即為下。凡首所向即為上。不專以身之所居分上下也。

又曰。以地勢分與地為六大州。曰歐邏巴。曰利未亞。曰亞細亞。曰北亞墨利加。曰南亞墨利加。曰墨瓦臘泥加。

又曰。予自泰西浮海入中國。至晝夜平線。已見南

北二壺皆在平地。畧無高低。道轉而南。過大浪山。已見南極出地三十二度。則大浪山與中國上下相為對待矣。

又曰。凡同緯之地。其極出地數同。則四季寒暑同態焉。若兩處離中線度數相同。但一離南。一離北。其四季晝夜刻數均同。惟時相反耳。此之夏。為彼之冬矣。

又曰。若北極出地九十度。則此地以北极為天頂。以赤道為地平。赤道北諸節氣。全在地平上。赤道

南諸節氣。全在地平下。而半年為晝。半年為夜矣。
或曰。一年半為晝。半為夜。何以証之。曰。吾西國
所經歷。其愈近北。晝者。夏至日愈長。夜愈短。夏至
日有全十二時為晝。有全三十日為晝。全六十日
為晝。全六月為晝。歷身涉。不可疑也。試于中國。
亦可見焉。京師北土之夏至日。長於廣東南土之
夏至。以此推之。以至半年為晝。半年為夜。足徵矣。
上下四方。晝夜寒暑。理之一定者也。自有蓋天釋氏
之說。而四方無定形。晝夜無定候矣。今有西說。則併

上下無定形。寒暑無定候矣。夫金必指南。水必歸下。物之性也。物之性。即物之理。物之理。即天地之理也。而謂上下無定形。將謂天地無定理乎。據其地與海圖。有東洋西洋。南海北海之名。則四方且有定矣。奚為上下反無定乎。南為陽而主夏。北為陰而主冬。天道之本然也。據圖北有冰海。則可知南海之為矣。若曰。此夏彼冬。則極南之氣。又當極寒乎。一則據天下有六大州。而仍別其說為東西。說為南北。則是地之平面。而非圓之謂矣。如謂之圓。則必亂遷已。

之西境。即為南北亞米利加之東境。而冰海之北。又為墨瓦臘泥加之南。而後圓也。然乎否。二則

人必嚮明而寢。地球既圓。則赤道以南之人。必將以北為南矣。南北既已相反。則東西亦必互易。而彼處日月將見為出于西。而沒于東乎。彼將應之曰。東西固無定鄉也。然東西即無定鄉。而左右必有定理。則請易一辭以詰之曰。彼處日月將見為出于右。而沒于左乎。三則

太陽照而後萬物生。草木向陽則茂。背陰則枯。春夏

生長日近故也。秋冬零落日遠故也。據黃赤道上下有三國相對。則上下東西國皆太陽所照臨者也。若北面則惟夏至前後見日。南面則惟冬至前後見日。一歲之中。而半歲殆知長夜。將萬物何由仰生。而曰上下四旁皆生處所居。理之所難通者也。夫人晝而動。夜而息。彼將半年動而半年息乎。一不食則飢。再不食則餓。彼將半年食而半年蟄乎。四則

據地球周九萬里。四分之。則自地上面之中。至西面之中。為二萬二千五百里。

彼西土也。故即以地厚二中國至西面為例。

萬八千六百餘里。其地心距地之四面各一萬四千三百餘里。西面之中。當平地對心。橫上面之中。當高出地心。正則自上面至西面。為路二萬二千五百里。而高下乃差一萬四千三百餘里。由此推之。則凡行二百里十五便應低下一百四十三里。行二十二步。便應低下十四步矣。此李淳風所謂直似梯級。更無平地者也。彼將曰。地以漸而低下。則人亦漸而斜立。故地雖有上下四旁。而其實則但以人之所載為上。所履為下。雲、皆自以為地之上面。亦處、祇覺

其平而不可以上面西面較量其高下也。夫隨人所
處皆自以為地之上面。則亦當皆自以為地之極中。
凡圓體必中高而四向墮下。今試以杭郡驗之。人在
杭郡則杭郡為中。而環繞之嘉湖嚴紹徽寧諸郡皆
嘗見為墮下。今嘉湖自低。徽寧自高。恐于圓體有所
難通也。彼將曰。所謂圓者。論其全體則然耳。若就一
省一郡觀之。則山川高下。不無變形。而究其全體。則
仍無礙其為圓者也。且圓豈真如鏡球之類哉。然全
體雖不可見。而大段則可見。自吳越北至朔方。數千

里而遠。西至甘肅。亦數千里而遠。已約得地徑三分之一。而西北自高。東南自下。地之高下。雖有定形。於圓體終有所不能通也。如曰崑崙為大地之中。故西北高而東南下。則中既有定。斯上下亦常有定。將無分上下之說。既不可通。而自崑崙以達八隅。且必仍如梯級矣。五則

凡物近視則大。遠視則小。西術所推日月星宿之大小。全憑此理。乃論朧魄。則但以高卑為大小。猶可曰中線之審。遠近無殊也。至于日之出沒大而午中小。

則又小者近而大者遠。立一說而自有三變。使能舍
割圓之法。而別有所以為推。則各為一理者。亦各有
一法。庶可以無議。乃其所藉以為推者。斷不能出於
弦弧勾股之外。則何其彼此矛盾乎。今據其術言之。
人在地面上面之中。望日出沒。恰各距天徑之半。仰望
午中。當減去地心至地面之數。則東西為遠。而上下
近一萬四千三百餘里。以遠近三里半而差一里計
之。則午中視徑。當大四千餘里。乃何以日出沒遠而
宜小者反大。午中近而絕大者反小乎。君謂大小不

係于遠近。則其所推之日月星宿。以遠近為大小者。亦俱不足憑矣。是則自立說而自為破也。

西士自為解曰。此非由于地之遠近也。濕氣便然也。蓋夜中水氣恒上騰。氣行空中。悉成濕性。濕以太陽自下而上。映帶而來。是濛馬。運動馬。人望之。以為如是其大耳。若太陽當空。浮翳盡掃。無所映隔。真體明淨。較之旦暮為小。云。此亦僅可為遠近不甚多。大小不甚懸者解耳。今大小差四千餘里。豈一濕氣所能解乎。且其說更不可通于月。苟

如所言。則中夜之溼氣甚於旦暮。將月之當午。晃
漾蓬勃。亦必更甚。而旦暮見小。中夜見大矣。六則


據地球正圓。人在上面則植立。於四旁則橫立。於下
面則倒立。以為氣之所載。如蟲螳之可以緣壁緣梁
云。夫蟲螳即在一面觀之。既能橫緣于壁。又能倒緣
于梁。皆與平行無異。此出于性能。有莫知其所以然
者。與人之但能植立平行者不同。非可為喻也。且蟲
螳之能緣行。亦非由氣之所載。試使以其背著於梁
壁。則斷無不墜焉矣。然則其為緣也。果載于氣乎。抑

自有所以為緣者乎。七則

克塞兩間者氣也。而氣有剛柔之分。近天者剛。近地者柔。今地面之氣。塵埃野馬。其柔實甚。若地下之氣亦然。將不足以載鴻毛。能載大地乎。彼亦知柔氣之不足以載也。則又為之說曰。人物即足之所紆為下。而其重心亦皆在下。上面之人物。其重心入于地心。下面之人物。其重心亦入于地心。以至四面亦復如是。上下四旁。人物相等。其勢之足以相拒也。又適均。故地球得居于空中。而不偏不墜云。嘗觀西士於數

學。及諸餘藝。其用心亦頗入細。諱理似不應至此。豈獨識者為之胡蘆哉。十一則

地輿海圖



地輿海彼自有全圖。茲畧具大槩。以便衆覽。

據地輿海圖。橫畫三線。滿剌加國當晝夜平線。大浪山在晝短線之南。自此而南。則窮于鸚鵡地。中國在晝長線之北。自此而北。則窮于冰海。僅得半面球形。

而所謂天下有六大洲者。已盡在於是。烏得渾圓如
球乎。即便既遷巴之西。可接境於大東洋。而冰海必
不可接境於鸚鵡地。蓋既畫三線。即非全圖也。而附
和者。必且為之辭曰。地雖如球。而圓體難圖。可以意
會。而不可跡泥。即如星圖。北極居中。則南極亦當歛
聚而為之圖者。近南極處必反散濶。同一理耳。信如
斯言。則星圖亦將橫畫三線。以當黃赤道。可乎。不可。
不可。如知其不可也。則地圖亦應將黃赤道畫如兩
環相交。而後地始得如球。此又可乎。不可。若曰。圓雖

止為半球。而上面既有半球。則下面亦有半球。此又
可意度而知。則六大洲既全聚於上面。將下面不復
有山川疆域。而生處安從跂足乎。下面既無人物。而
上面獨有人物。則亦惟有上面之物之重心。入於地
心。而下面無人物之重心以相距。吾恐地球必將下
墜矣。若曰。下面亦必有山川疆域。但人跡不至。不可
得而知耳。則彼國好遊。何以經歷之虞。所見所聞。僅
在半球之內。而半球之外。非特不可得而見。并不可
得而聞乎。是則地形止有半球。而半球之外。必非人

人之所能至可知矣。非人之所能至。即必非人之所能居。又可知矣。

上下相為對待處。必須遠距半周天。今中國見北極出地三十六度。大浪山見南極出地三十六度。按國政之止距七十二度。烏得云上下相為對待。作此欺人之語乎。若論中國對待之處。勢必北極變為南極。而入地三十六度。南極變為北極。而出地三十六度。不識南北二極。果否反易其位乎。即曰南北不妨易位。而日月又將出於右而沒於左矣。可若何。

地球果圓。而又恰居天心。則人目所見。處處當僅得半周。然高山絕頂。恒于雞鳴時即見日出。如岱之日觀峯。嵩之雞鳴峯。嶺城羅浮秦駐等處。皆顯然足證。則地平之上。有不止于半周矣。凡差一時。則日行差三十餘度。東西加倍。則凡差一時。地平上當多六十餘度。將地不得恰居天心。而亦不得渾圓如球矣。若曰。此亦視法之理。一如水中錢景。則月食視法。乃差在地平上。而日出視法。又差在平下。彼此相反。政不得而相通也。

近有一山。其高十里。使遠數十里。則高僅七八里矣。更遠數十里。則高僅五六里矣。至數百里而外。則全不可得而見。非其山_本低而不見。以遠不可窮故也。又如占雲氣者。平望在桑榆上五百里。升高而望之。一千五百里外。此則不可見。豈非以遠而不能窮乎。然則人之目力。政有限矣。是故地上天多。地下天少。而天之高遠無窮。人之目力有限。所以靈、皆僅見其半周。此乃天之虛象。由人目而成者也。信如地球之說。則靈、所見皆為實象。而人之目力。乃能窮千

百萬里之遠矣。其然乎。

中國對待之處。人若向明而立。則南北二極。必互易其位。亦互易其名。而光道通在天頂之南。然後長線變為短線。短線變為長線。而冬夏始為相反。然日月星宿勢必為西出而東沒矣。若曰。南極仍為南極。北極仍為北極。則人當背明而處。其長線亦變為短線。短線亦變為長線。而冬夏相反。然以光道觀之。則夏至日道當在天頂北十二度。冬至日道當在天頂北六十度。而南至為夏。北至為冬矣。若仍以南至為冬。

北至為夏。則冬夏不能相反。而又冬晝長而熱。夏晝短而寒矣。吾蓋為之反覆推求。深異其言之一當於理。而終不可得也。

凡為渾圓之圖。則南北中三道。應作三規。或作黃赤二道。則常形如連環。始得渾圓之理。若橫畫三線。則止為半面球形。此最易辨者也。今按其圖橫畫三線。則大浪山與中國。俱在半球之內。初非對待。而六大洲亦俱在半球之內。則非全圖。是則地球之為謬妄。彼已親口自供。左證具在。即欲為之平反而不得也。

定曆玉衡卷六

秀水 張雍敬著

星圖說

蓋天之法其來最遠。而世咸斥其非。豈聖人之於曆象。有未盡善者邪。抑後人之智。反足以察聖人之非邪。亦未之思矣。昔宓戲氏始作蓋天。即今之星圖。凡可以鉸水。勒石者是也。自漢以來。世皆宗渾天矣。而至於作圖。則必仍蓋天之舊。蓋以渾天止可為儀。而不可為圖也。試思欲圖天象。舍蓋天之法。更無別法。

則聖人制作。固已立於不易矣。

隋書圖蓋志曰。昔者正曆明時。作圖蓋以圖列宿。極在其中。迴之以觀天象。分三百六十五度四分度之一。以定日數。日行星紀。轉迴右行。故圓規之以爲日行道。欲明其四時所在。故於春以青爲道。於夏以赤爲道。於秋以白爲道。於冬以黑爲道。四時之末各十八日。則以黃爲道。

第古聖人於天地之理。多著以象而不垂其文。如先天易。亦但有爻象而無其辭。所以藏諸用而便後人。

自得之也。若夫北極為天地之中。日行平轉。不出入
於地。則後人緣圖起意。妄為穿鑿耳。於聖人乎何尤。
若之何以末流之謬妄。而并誣始法之舉非邪。惟是
蓋天之圖。南方之度。當狹而反潤。其星當密而反疎。
則以渾體難圖。其勢不得不爾。世有以二分二至。列
為四圖者。謂之瓜瓣度。亦有以辰次列為十二圖者。
謂之柳葉度。其於潤狹疎密之象。雖若有合。而零星
割裂。反不如蓋天之歸一矣。今仍舊法。總作一圖。而
則為南極圖。使便於南面仰觀。是則蓋天而兼渾天。

之象。庶為得之。但限于幅。若全載中外諸星。則細密厭觀。而距星入度。易為他星所迫窄。而不得其真數。故止列三垣二十八宿。一如渾儀之法。非特取其簡明。亦以曆家所重。在此而不在彼也。

若欲全載天文。當用此法。而別為大圖可也。

又舊圖黃赤二道。如兩環相交。與渾儀同。舍煩就簡。於法為得。而非天象之真。

太陽之行。冬至後以漸而北。夏至後以漸而南。其進退之度。雖止四十八度弱。而日換一道。一歲實

有三百六十五道。其數甚繁。不可施于法象。故渾儀黃道正用一圈。以斜交于赤道。而日行之以漸進退。恰當其宿度。是法最為簡要。然非真象也。故是圖改畫三圈。一為南道。一為北道。中為赤道。欲驗赤道北諸宿。則用前圖。欲驗赤道南諸宿。則用後圖。其距極入度之數。潤狹疎密之象。俱按圖可得。至於今日天象。攷諸漢唐宋元舊法。已多不符。竊欲攷正。而不敢以偏方目力。據為定象。故分度猶仍授時赤道之舊。以較諸古度為稍近也。

垣宿圖

中第一層北極圖

第三層赤道


第二層日北道


第五層周天分度

第四層日南道

第六層十二辰次


每格為五度






南極圖

中一層南極圖
 第二層日南道
 第三層赤道圖
 第四層日北道
 第五層第六層全圖





古今北斗入度不同表

舊經

大衍曆

授時曆

天樞

入七星一入張十三度

去極二十三度半

天璇

入張二度入張十二度半

去極三十度半

天璣

入胃二度入翼十三度

去極三十度

天權

入翼八度入翼十七度太

去極二十七度太

玉衡

入軫八度入軫十度半

去極二十八度半

閭陽

入角七度入角四度少

去極三十度

搖光

入亢四度入角十二度少

去極三十五度

古今二十八宿距星去極不同表

舊經

大衍曆

授時曆

角

九十一度

九十三度半

距南星九十七度半

亢

八十九度

九十一度半

距南第二星九十五度

氐

九十四度

九十八度

距西南星九十八度半

房

一百度

一百一十度半

距南第二星一百一十四度半

心

一百度

一百一十度

距西前星一百一十四度

尾

一百二十度

度一百二十四度

距西第二星一百二十七度半

箕

一百度

一百二十度

距西北星一百二十一度半

斗

一百一十六度一百一十九度

距西第三星度

牛

一百六度一百四度

距中大星半

女

一百度一百一度

距西南星半

虛

一百四度一百一度

距南星度半

危

九十七度九十七度

距南星度

室

八十五度八十三度

距南星度

壁

八十六度八十四度

距南星度半

奎

七十六度七十三度

距西南大星

婁

八十度七十七度

距中星度半

星	柳	鬼	井	參	甬	畢	昂	胃
九十一度	七十七度	六十八度	七十度	九十四度	八十四度	七十八度	七十四度	七十四度

卷六	九十三度半	八十度半	六十八度	六十八度	九十三度	八十二度	七十六度	七十六度	七十六度
----	-------	------	------	------	------	------	------	------	------

九	距	八	距	六	距	六	距	九	距	八	距	七	距	七	距	六	距
十六度	大星	十二度半	西第三星	十度半	西南星	十度	西南星	十二度半	中星	十二度	西南星	十五度	右股第一星	十度	西南星	十度半	西南星
七									第一星								

張 九十七度 一百度

距西第二星 一百二度半

翼 九十七度 一百三度

距中央西第二星 一百四度

軫 九十八度 一百度

距西北星 一百三度半

距極之數古今不同蓋或天象之變或測驗之疎
與所用距星之異建都南北之殊四者俱有之未
可執一端而論也其建星參旗狼弧四古宿距度

別載於左

建星 距西星 一百十三度

狼 去極一百七度半

參旗 距南第一大星 去極八十七度

弧 距矢星 去極一百十四度

古宿名說

世所傳二十八宿分度。出淮南子。漢書班范二志。東漢以前。但用赤道。至賈逵始用石氏黃道規。測冬至日躔。世皆謂義和舊法。非也。凡冬至日躔所在之次。其分宮之度數必少。蓋經星入盈曆。其行疾也。詳經星行古黃道丑宮止有二十七度。跋以日躔其次。故度少耳。則石氏黃道規的為周末之法無疑。

周時日躔在丑。其宮止有二十七度。子宮則二十九度。寅宮則三十度。至宋元日躔在寅。其宮則減

為二十八度二九七。丑宮則增為二十八度六六五三。至于今入寅益深。則其度益少矣。

古赤道。未宮之宿為狼弧。丑宮之宿為牽牛。建星。其狼弧易以井鬼。建星易以斗者。以周世冬至日躔南極於斗。夏至日北極於井鬼。故易之也。據此。則古赤道亦屬周世之遺法。若周以前之法。蓋已亡矣。而不可攷矣。僅有二十八宿古名。出春秋甄曜度。晉曆史律書。與世所傳習者異。張為星。、為張。柳為注。鬼為弧。井為狼。參為伐。觜為參。畢為濁。昂為留。或易其位。

星或異其名。注或更其宿。其餘則皆同。蓋上

元之初。中星起午。五帝之世。中星在酉。中星所以著

歲差之理。色天地始終之數。太古聖人。特重其法而

正名之。故得有古宿異名以傳于世。而世所傳習之

名。則五帝時所易也。不然。則自冒至翼。何以皆同。自

張至昴。何以各異哉。由此觀之。上元中星。必起鶉火。

太古之世。已辨曆法。詳三俱可知矣。獨惜僅得其名。

而分度不詳。祇以考上古之中星日躔。猶不能無遺

憾焉。今即古赤道而復其名。雖未必盡符古象。而諒

其大駭或應如是云爾。

古宿分度

角 十二度

亢 九度

氐 十五度

房 五度

心 五度

尾 十八度

箕 十五度

建星

二十度
後易以南斗起斗五度

牽牛 八度

須女 十二度

虛 十度

危 十七度

營室 十六度

東壁 九度

奎 十六度

婁 十二度

胃 十四度

留 十一度
即昂

濁 三度

參旗 十五度
後易以肯臨起畢四度

罰 一作伐
度即參

十八度起參初
狼 五度起井十度
後易以東井

孤

二十三度起井十五度

注即十五度

張七度

星

二十八度二宿易位

星張易位說

斟酌元氣。斡旋造化。皆繫於斗。故北斗主象。七政以

之齊。

詳乾象

辰宿以之分。

詳步斗

南斗主炁。星躔之

歲差以此著。

詳第五卷

炁策之消長以此始。

詳第五卷

所謂南

斗者。七星是也。

星張之星為數七。其形與北斗相似。故謂之南斗。

後人以斗牛之斗為南斗。故但名之曰七星。

斗牛本北

方之宿。安得謂焉。古名南斗者。所以別于北斗。大

正。在午位。又當北斗。後名七星者。所以別于世之

所謂南斗。以斗牛之斗其數六。天官書言衡殷南

斗。政謂七星。梁大通六年。魏主修出奔長安。先是

熒惑入南斗。亦是甲寅天正前入七星中。非斗牛

之斗也。又道家亦以七星為南斗。詳札要攷證。

上元開闢之初。七星中午。張宿居七星之西。其後張

宿差漸而東。至天皇氏之世。則星張易位。猶今之皆

參易位也。詳下然則開闢後十二甲子。經星或多差

移。獨七星常為冬至昏中而不變。中星不變。則歲差之理未著。故造一元之數。始於上元甲子。而天運一周之數。始於平初甲子也。

三皇三一等經曰。天皇氏以平初元年出治。地皇氏以太始元年出治。人皇氏以太平元年出治。夫紀號改元。近起漢代。太古之世。竊恐未然。茲用其年號者。特取太初之義。以別於上元甲子。使一元之始。與一周之始。不相蒙混耳。

夫星張易位。為曆家至精至微之理。而不知者。但目

為古書之錯簡已耳。

觜參易位說

古宿觜在參前。西法易參在前而觜在後。世或驚為天象之變。或說為西法之秘。要之不足異也。攷古赤道觜距參二度。宋赤道距一度。元赤道距五分。其來有漸。非明季忽然而變也。又攷古法。參宿以中三星之西星為距。而西法以右肩為距。故愈形其差。其實與授時所測。今原不甚相遠。西法以參為一度。二一觜為十一度。三。夫參右肩之東為觜。三星所占不

過度許。其後為參之左肩。衡石三星。伐三星。皆為參宿全體。而盡屬觜度。於義未安。然二宿既相併疊。則法亦不容不變。自當從太古遺法。以參旗為參宿。而參星則仍正其名曰罰。既合天象。且復古法。為兩得之。

經星辨

天之為象。分而言之。則日月星宿各為一天。合而觀之。則日月星宿共成一天。何得獨指經星為天乎。左旋之象不明。歲差之理不著。黃赤道之度多寡不同。

而莫知其所以然。皆由誤以經星爲天。而謂天體不動耳。夫日所以紀日也。月所以紀月也。經星所以紀歲時也。使果不動。則昏旦中星。何以更易。黃道日躔。何以有歲差乎。解之者曰。所謂不動者。非全不動也。但謂其行列不變。左旋一定耳。然而度有增減。象有移換。則未始不變也。旋有盈縮。歲有差分。則未始一定也。今特正其名曰經星。使與日月五星等。則日有南北進退。月有九行遲疾。五星有遲留伏逆。而經星亦有變移盈縮。可不煩言解矣。

經星定法說

經星有周率。猶五星之周率也。有歲行率。猶五星之
曆率也。歲行有盈縮。猶五星之有疾遲。段目也。其周
率。但用虛度。專明歲差之理。其歲行率。則用實度。以
正歲時。蓋攷驗炁序。全在中星。故堯典特詳四仲。月
令脩紀。昏旦。誠以歲時炁序。非是無由正也。古法以
星度係于節炁。每歲平分二十四炁。至北齊張子信
謂日躔有盈縮。於是定入炁差法。斯中星之度數真。
而時令正矣。然沿習左旋右轉之術。而不知太陽之

盈縮實為經星之盈縮。太陽之入炁差實為經星之入炁差也。今即舊術而改正之。斯法一立。則太陽但每日行一度。此乃虛度。非謂實度。凡算朔望交食。止用太陰遲疾曆。使合於太陽。即是而三差加減之法。可以不設。

曆家定朔望交食。因牽入實度在內。必使天與日月三者會而為一。故有三差加減之法。今經星既別為行率。而太陽但日行一度。無有盈縮。則俱不必置筭。祇以太陰之行筭之。使與太陽相會。而即是矣。但遲疾曆當更為詳定耳。

步五緯。但用周率段目。而曆率可以無庸。

五星之策。除木星新定外。其四星皆仍舊術。大約周率雖不甚相遠。而致其遲疾迴留之間。多者至差十餘度。此則段目之法。猶未密也。理應再候。務

求真數

凡算七政。皆用周天虛度。如欲命以實度。使便于測驗。則查經星盈縮實度。一覽可得。無勞布筭。

欲得經星盈縮實度。法當作一表。上列周歲平積日。下列經星盈縮度。周歲起冬至。實度起箕宿一

查即得。然有歲差分。當每年遞退。其法不可以膠柱。故不著之為曆。但于後表中載實度積例。以見其大畧。治曆者當歲一脩之可也。

理至當而法至簡也。孰謂左旋之筭。煩於籌策哉。今先定入息盈縮大畧如左。其盈縮細曆。則須將赤道黃道太陰遲疾曆五星段目一一改正。而後可定耳。

經星定法

經星周率三百六十五日二五六七三〇〇二二一

周天虛度同于歲實。加歲差分。即經星周率也。舊術以經星為天故。今茲周率即舊術所謂周天度也。舊術消率三百六十五日二五六五九一一二二一分減三

八九。蓋歲實有消長。則經星與為消長。故當以消長分加減之。

長率三百六十五日二五六八六八九二二一分加一

分三
八九
歲行率三百六十五度二二八五四七七二〇一為此

一歲實行之數。即周天虛度。而減去歲差。蓋分周率為經星之日率。而歲行率為經星之度率也。

歲行消率三百六十五度二二八四〇八八二〇一

減消

歲行長率三百六十五度二二八六八六六二〇一

加長分 今在長時
故以下止就長率算

冬至後其行疾比太陽日超過一度強至春分積盈
二度四零春分後以行遲而消其積盈日超過一度
弱至夏至而適平夏至後其行遲比太陽日超過一
度弱至秋分積縮亦二度四零秋分後又以行疾而
消其積縮日超過一度強至冬至而復平此其歲行
之大率也

歲行盈縮限度九十一度三〇七一七一一六五五〇

即歲行率而四分之蓋盈縮在乎日而度則畫一也

每歷中限度一十五度二一七八六一九四二五歲即

行率而二
十四分之

盈中曆限自冬至至春八十八日九〇九三六四二

三一七

縮初曆限自春分至夏九十三日七一三〇二四六

五三八

縮中曆限自夏至至秋同縮初

盈初曆限自秋分至冬同盈中

入炁盈縮日

冬至 一十四日五二四七二七一八五九 大雪 同

小寒 一十四日六三二一五二二七一四 小雪

大寒 一十四日七四四五九五九八九一 立冬

立春 一十四日八六七九四二四八一 霜降

雨水 一十四日九九九二九六八七四四 寒露

驚蟄 一十五日一四〇六四九四二九八 秋分

春分 一十五日二八九五七四六一五八 白露

清明 一十五日四二五一五七四一六九 處暑

穀雨 一十五日 五五七八六五七〇 一五 立秋

立夏 一十五日 六八八三六四三一五〇 大暑

小滿 一十五日 八一五二二一〇七一四 小暑

芒種 一十五日 九三五八四一五三二九 夏至 同

經星入炁盈縮積日積度表

虛度積 周天日法 同 入炁盈縮積日

歲行率虛度積 實度積例

一十五萬二一八四	冬至	一十四萬五二四七	一十五度二一七八	第三度四五八五一
四九〇七三七	望	一八五九	六二九四二五	九一三五
三十〇萬四三六八	小寒	二十九日一五六八	三十〇度四三三七	平九度〇八六三八
九八一四〇七		七九四五七三	二三八八五〇	一〇七七五〇
四十五萬六五五三	大寒	四十三日九〇二四	四十五度六五三五	牛初度八三六〇四
四七二二一三		七五四四六四	八五八二七五	三〇二

六十。萬八七三七
九六二九五
七十六萬。九三二
四九三六八九
九十一萬三。六
九四四四二七
一百。六萬五元
一四五五一六五
一百二十一萬七四
七五九二五九。三
一百三十六萬九六
六。四一六六四一
一百五十二萬一八
四四九。七三七九
一百六十七萬四。〇
二九八一七
一百八十五萬六三
一三八八八五五

立春

雨水

驚蟄

春分

清明

穀雨

立夏

小滿

芒種

五十八日七六九四
一七九二七五
七十三。七六八七
一四八。一九
八十八日九。九三
六四二三一上
一百。四日一九八
九三八八四七五
一百一十九。六二
四。九六二六四四
一百三十五。一八
一九六一九六五九
一百五十。日八七
〇三六二八。九
一百六十六日六八
五五四三三三
一百八十二日六二
一三八八七六。〇

六十。度八七一四
四七七。〇〇
七十六度。八九三
〇九七一二五
九十一度三。七一
七六五五。〇
一百。六度五二五
〇三三五九九五
一百一十度七四
二八九五五四。〇
一百三十六度九六
〇七五七四八二五
一百五十二度一七
八六一九四二五
一百六十七度三九
六四八。一三六七五
一百八十二度六一
四三四三三。〇

廿九度一五二一。〇
四九六二五
危四度二四九九六
〇九。五
室三度五一八二
八八四七五
壁初度四一五六九
〇上九
蓋六度九三三五
二七三二五
畢王度六四一四一
四六七五
胃六度四九九二
六六一七五
昂五度九〇七一三
八五六
畢。〇度。四五
〇〇五。二五

一百九十七萬八千三百九十三
 九八三九五九三
 二百一十三萬五千五百八十二
 八二八〇三三二
 二百二十八萬二千六百三十一
 六七三六一〇六九
 二百四十三萬四千五百一十九
 五二八五一九〇七
 二百五十八萬七千三百三十四
 二五二五四五
 二百七十三萬九千三百三十三
 二〇八三三二八三
 二百八十九萬一千五百三十三
 〇五三二四〇二一
 三百〇四萬三千六百八十九
 八四七五九
 三百一十九萬五千七百三十五
 四九七

夏至

小暑

大暑

立秋

處暑

白露

秋分

寒露

霜降

一百九十八日五五
 七二二〇二九九八
 二百一十四日三七
 二四五二一三六二一
 二百三十一日〇六
 八一五六六八〇
 二百四十五日六二
 八六八一三六〇四
 二百六十一日〇四
 三八八八九二二三
 二百七十六日三三
 三四一三五三九〇
 二百九十一日四七
 四〇六二九六八八
 三百〇六日四七三
 三五九八四三二
 三百二十一日三四
 一三〇二二三三四三

一百九十七度八三
 二二〇五二五二五
 二百一十三度〇五
 〇〇六七一九五〇
 二百二十八度二六
 七九二九一三七五
 二百四十三度四八
 五七九一〇八〇〇
 二百五十八度七〇
 三六五三〇二二五
 二百七十三度九二
 一五一四九六五〇
 二百八十九度一三
 九三七六九〇七五
 三百〇四度三五七
 二三八八五〇〇
 三百一十九度五七
 五一〇〇五九二五

劉八度七二二八六
 二四四五
 井一十三度六五〇
 七二七三八七五
 井二十八度八六八
 五八六三三
 柳一十度九四六
 四四八二七二五
 張六度八五四三一
 〇二一五
 翼四度二八二一七
 二一五七五
 軫一十九度五〇〇
 〇三四一
 軫一十四度六二七
 八九六〇四二五
 角十一度一〇二九
 八〇二一三九

三百三十四萬八〇
五八七九六三三五
三百五十四萬〇三
四三二八六九七三
三百六十五萬二四
二五七七七一

立冬

三百三十四萬六〇
五八八三一三四

小雪

三百五十四萬七
八〇五〇五八四八

大雪

三百六十五萬二四
二七七七一

次年冬至加時分

三百三十四萬七九

二九六二七三五〇

三百五十四萬〇二

〇八二四六七五

三百六十五萬二二

八六六六二〇一

次年冬至起度初分

氏三度八九〇六四

二一五六四

君二度七〇八七〇

四一〇〇〇

尾六度一七六五六

六〇四二五

箕三度四四四二

〇九八五

虛度積者。一歲平分二十四炁。蓋古法也。入炁盈縮積者。乃隋唐以來之法。在舊術為日行度。而此為經星行率也。歲行虛度積者。在舊術為辰次分。而此為中星日躔真數也。實度積例者。日躔歲差之度。歲有差分。法不可執。故名之曰例云。

周天度說

天本無度。法由日法而立者也。故周天歲實。二者自應齊一。漢法蓋然。於理非謬。但患在不知歲差。以天周為歲終。故法常後天。至晉虞喜始分天自為天。歲自為歲。蓋取其易見歲差之數。後人從之。皆增周天而損歲餘。其增損所差之分秒。即歲差之分秒也。此唯以天左旋日右轉算之。謂是日不及天。故周天之度增于日度。若明乎日亦左旋。則非惟不當增。而且當減矣。故前篇所著經星定法。一以左旋步之。使

天與歲為一。度法曰而天與經星為二。

周天為虛度。即臨川吳氏所謂空盤者也。法無盈縮。而經星為實度。則當以盈縮法求之。

則庶乎理得而數真。然左旋右轉之術。沿襲已久。一旦欲去其宿習。則於勢為難。而用以攷古。則又舊術為便。

古曆既皆右轉。則攷古自應即以其法求之。

是周天實度之法。亦未可廢也。爰仍舊術。以度周天。二法並列。唯明智者擇焉。

周天定法

天周策三百六十五度二五六七三〇〇二二一即此

經星周率也。但在彼為日
率。而在此則為度率耳。

消策三百六十五度二五六五九一一二二一

長策三百六十五度二五六八六八九二二一消長
法詳

上
篇

半周策一百八十二度六五八四三四四六一〇以下

俱就長
分策

象限九十一度三一四二一七二三〇五

辰次分三十。度四三八。七二四一〇二。

凡攷古。自元泰定甲子前距漢元符甲子。用消策。
自元符以上。用長策。當分別用之始末。餘詳消
長定法。

宿度分秒辨

古法周天但分三百六十五度。每宿分度。各得整數。並無奇零。即四分度之一。或附于斗。或附于虛。或附于尾。而不併入于全數內者。取其整而易算也。宋之黃道始詳分秒。然赤道猶用整度也。至授時曆而黃赤道俱用零分矣。凡曆家布筭。先用虛度。筭既定。然後以宿度命之。謂之實度。夫以宿命度。即取記其位耳。其布筭之當深析毫釐者。全在虛度。若實度。固無關於筭法之疎密也。元初西域有札馬魯丁者。獻萬

年曆其法但用十二宮分為三百六十度

併五度亦減之

蓋就整之法此本非正理不通借以相形耳

至于二十八宿之說皆若所

不聞及推日月薄蝕頗與天合則周天之度且有減

其零數而就整併實度亦不之用者而用以推步又

未嘗不合則星宿分度亦安用零分為哉今攷其術

或前宿餘分侵入後宿之初或後宿初分侵入前宿

之度用以入算反多齟齬吾不知其何取于此邪若

曰星象分列疎密不齊其分度安得一一就整故必

詳其分秒始可得天象之真吾恐天象之真亦政未

易得也。天行甚健。凡一刻而西移三度半強。流鈞弩矢。莫喻其疾。而區區測候之術。謂信足以定其分秒哉。古黃赤道。傳用千百餘年。至一行始改其四宿。乃自宋至元。法凡六改。詳黃赤道不同說。此就雍敬所知者言耳。大抵宋法屢變不止。也。于五豈唐以前之天象不甚變。至宋元而屢變邪。即曰建都之地不同。每因視差而變。則宋之都汴。固異於漢唐之都關陝矣。此為東而唐曆元豐。同焉都汴。何以亦不同。與南宋都杭。固異於前之都汴矣。此為北而統天開禧會天。同焉都杭。何以又不同。與良由

求詳分秒。則測難真。而差謬易見。故人任私智。屢多紛更。先儒謂古人法疎而得密。後人法密而反疎。此類是也。

斗建說

開闢之始。子為地中。而斗杓指辰。其魁枕參。蓋三合成象也。天道運行。有歲差之理。中星日躔移。則斗杓亦與之俱移。故上元冬至之昏。指辰。漸退而左。則指卯。指寅。指丑。指子。今則指亥。歷十二辰而一周之運終焉。若夫十一月為子。此干支所以紀月陰。

與紀歲日時同

例正北為子。此地辰所以定方隅。二者皆一定。亦各為一理。與斗之斡旋不定者。原不相蒙。其子月建子丑月建丑。月徙一辰。周而復始。此人統一時之象。非古今不變之象也。以歲差法推之。自商武乙二年甲子。至宋太祖建隆二年甲子。凡二千一百六十年。雖皆子月指子。而商末周初。十月己指子。自漢迄宋。十月猶指子。唯周顯王之時。交大雪。即指子末。冬至正指子中。交小寒始移而指丑。盡一月節炁。皆指於子。蓋是時歲差日躔在牛一度。距丑正斗廿四度首尾凡四度右進

而數至角十一度。

距辰正角八度。亦首尾四度。

適為周天四分之

一。而斗杓入角十二度少。

律法大

天盤丑宮牛一度。加

于地盤之酉中。則天盤辰宮之角十一度。正加地盤

之子中矣。故人統之紀。始于周顯王二十二年甲戌

也。百家之言。盛于春秋而後。故書傳多斗建之說。蓋

一時天象之實然。而要不可以概古今之天象也。若

今日之指矣。則又天象之當然。稍知歲差之理。自弗

泥于其說矣。

定曆玉衡卷七

分野分野說定曆玉衡秀水獐豸水獐獐豸著秀水
十二次分野太古之遺法也世第見十二國分配如
秦如越皆春秋後之國遠謂始于甘石獨不思周禮
保章氏以星土辨九州之地所封域各有分星以
觀妖祥則周初已有其法乎今推上元初昏之象鵠
火在午元枵在子大火在卯大梁在酉天之十二次
配地之十二辰四正八隅無不符協此天之應于方
隅者也至于冬至加時始于子半上元日躔在畢五
度其昏時在兌則夜半在坎矣大梁在坎則大火在

离元枵在震鵜火在兌矣故大梁為趙應周易也大
火為宋當服也元枵為齊處東隅也鵜火為周協西
土也天之辰次配地之封域東西南北亦無不符協
此天之應于州國者也故左氏傳曰古之火正或食
于心或食于昧食于昧者以初昏之象鵜火在南也
食于心者以夜半之象大火在南也南為火位故邠
年二次皆以火名可見分野之法乃上元天地相應
自然之理非太古聖人莫能窮其源而立之法也夫
宣甘石之所及哉然古聖遺法久矣失傳而說者多